

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第七十一輯

沈雲龍主編

李文忠公（鴻章）事略

吳汝綸撰

文海出版社
有限公司印行

李文忠公事畧

李文忠公

事畧

汝綸題

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





序

李文忠公薨後。門下士慮各行省。請建專祠。不得公事實。屬汝綸代撰事略。分寄各省。以備採擇。其後各省皆自別撰。考核加詳備。拙稿不足復存。今來日本。兒子自行篋檢出付印。念文忠事蹟關國家掌故。又海內外所願共聞見也。聽其印行。爲識其緣起如此。壬寅九月吳汝綸記

李文忠公事略

護理直督周玉山方伯奏李文忠事跡疏

奏爲臚陳故督臣忠勤功績恭摺仰祈聖鑒事竊臣伏讀九月二十七日 上諭朕欽奉 慈禧端佑康頤昭豫莊誠壽恭欽獻崇熙皇太后懿旨大學士一等肅毅伯直隸總督李鴻章器識淵深才猷宏遠由翰林倡率淮軍戡平髮捻諸匪厥功甚偉朝廷特沛殊恩晉封伯爵翊贊綸扉復命總督直隸兼充北洋大臣匡濟艱難輯和中外老成謀國具有深衷去年京師之變特派該大學士爲全權大臣與各國使臣妥定和約悉合機宜方冀大局全定榮膺懋賞遽聞溘逝震悼良深李鴻章著先行加恩照大學士例賜卹賞給陀羅經被派恭親

王溥偉帶領侍衛十員前往奠醊。予諡文忠。追贈太傅。晉封一等侯爵。入祀賢良祠。以示篤念蓋臣至意其餘飾終之典再行降旨欽此。續奉本月初三日

上諭。朕欽奉 慈禧端佑康頤昭豫莊誠壽恭欽獻崇熙皇太后懿旨。大學士直隸總督李鴻章。以儒臣起家軍旅。早膺疆寄。晉贊綸扉。輔佐中興。削平大難。嗣在北洋三十餘年。辦理交涉。悉協機宜。上年京師之變。事機萬緊。該大學士忠誠堅忍。力任其難。宗社復安。朝野攸賴。本年七月間。因病迭經降旨慰問。該大學士仍力疾從公。未敢休息。忠靖之忱。老而彌篤。方冀調理就痊。長資倚任。乃驟患咯血。遽至不起。當茲時局艱難。失此柱石重臣。曷勝愴慟。前已加恩賜卹。予諡文忠。追贈太傅。晉封一等侯爵。入祀賢良祠。茲再賞銀五千兩治喪。由

戶部給發原籍及立功省分。建立專祠。并將生平戰功政蹟。宣付國史館立傳。靈樞回籍之時。著沿途地方官。妥爲照料。任內一切處分。悉予開復。應得卹典。該衙門察例具奏。伊子刑部員外郎李經述。著賞給四品京堂。承襲一等侯爵。毋庸帶領引見。工部員外郎李經邁。賞五品京堂。記名道李經芳。俟服闋後。以道員遇缺簡放。伊孫戶部員外郎李國杰。以郎中即補。李國燕。李國煦。均以員外郎分部行走。李國熊。李國濤。均賞給舉人。准其一體會試。以示篤念蓋臣有加無已之至意。欽此。仰見 聖恩稠疊。賞延于世。臣等同聲感激。 諭旨飭將生平戰功政績。宣付史館立傳。微臣自同治元年。隨李鴻章治軍上海。迄今茲親視易簣。始終四十年。相從最久。見聞較確。敬爲我 皇太后 皇上據實

上陳李鴻章自少受業曾國藩之門。由翰林起家。咸豐三年奉旨隨同工部侍郎呂賢基辦理安徽團防。及江忠源巡撫安徽。曾國藩貽書忠源稱李鴻章能辦大事。其後崎嶇兵間。無可藉手。經曾國藩奏請留營襄辦。受朝廷特達之知。由福建延建邵遺缺道。超授江蘇巡撫。是時江浙淪陷。李鴻章新集八千人。起上海一隅。羸形銳進。所向無前。克復蘇州。肅清全省。遂出境攻拔嘉興。協剿湖州。扼守高溧。爲金陵聲援。使全功速成。膺一等肅毅伯之封。未幾曾國藩督兵剿捻。賴李鴻章籌餉後路。署理兩江總督。不以原籍安徽爲嫌。其時曾國藩所用湘軍。凱撤畧盡。李鴻章盡發所部淮軍。隨從征剿。一面遣部將潘鼎新率偏師航海赴津。建瓴南下。近畿恃以無恐。及受命督師。與曾國藩更出遞入。

兵事餉事聯爲一家。又始終堅持防守運河制賊飄突之策。卒使任賴授首。東捻肅清。未幾西捻東竄。震驚畿輔。於是羣帥彙集。號令紛歧。詔書責望益切。李鴻章馳驅角逐。逼賊東趨。仍主防運圈制之策。殲賊於徒駭黃運之交。張總愚兵敗投水。西捻肅清。遂拜協辦大學士之命。凡李鴻章平定江蘇剿辦東西二捻其戰功具見。欽定方略大要如此。初起上海時。曾國藩以謂自古東南用兵。鎮江爲必爭之地。上海孤軍難立。誠令駐軍鎮江。詔旨亦屢以爲言。李鴻章則謂海上餉源所出。已軍又上海所請。不可背棄。以孤衆望。軍固有造爲聲勢。置之死地而後生者。卒從上海逆入。雖有君師之命。而不敢苟同也。及剿捻防運。至主客異議。終持不變。以有成功。曾國藩陳奏平捻之功。推李鴻

章之定謀。以此國藩平日最稱李鴻章有大才。言未見古來英雄。見胡林翼李鴻章。意古英雄不過如此。然猶以李鴻章未遇逆境爲疑。及見其剿辦西捻。迭奉嚴旨。而夷然順受。果毅不撓。於是又歎其進德之猛。其師友相策勵。大率類是。自中原罷兵。李鴻章始赴楚督本任。已而援黔未行。援陝未久。而卒移督直隸。兼辦海防。自是以大學士坐鎮畿輔。辦理內政外交。以一身繫天下安危者卅餘年。其內政分民事兵備財政爲三端。民事如辦理河工。每歲籌款數十萬。賑救災民。每歲籌款數十萬。皆前此直督所未有。李鴻章行之三十年如一日。賑災則兼顧山西河南。治河則兼籌河南山東。不分畛域。不辭勞瘁。微臣皆曾參與其間。目所親見。同治十二年京察。諭旨稱其盡心民事。殆無媿詞。兵

之利器均付一擲。此最李鴻章所腐心切齒者也。前卅年皆倚信之而安，一不信而危。其於兵謀利鈍，卓有遠見如此。至其經畫財政，則興辦招商輪船，以挽中國已失之利；開採唐山煤井，以覓自古未興之利；近築津榆鐵路，遠開漠河金鑛，電線遍乎行省，紗廠燬而又興，凡皆時論所譏排，而國收久遠之利。以上三端，皆李鴻章內治之彰較者也。其外交之策，則尤擅專長。而辦理外交亦最久。同治十年，日本初議通商；十二年，議秘魯招工；光緒二年，烟臺定約；六年，巴西通商；二十一年，馬關議和。此次聯軍定盟，凡爲全權者六，皆獨力主持。同治三年，派兵防禦臺灣；光緒六年，伊犁爭界改約；八年，朝鮮定亂；九年，法越肇釁；廿年，日本敗盟。凡外交而涉兵端者五，皆艱難定議。綜計甲午以前，數十年來，

中外一有嫌隙。經李鴻章維持其際。無不立爲解釋。由此各國推重。五洲辦外交。與李鴻章齊名者。不能三數人。往時美國舊民主格蘭忒。遍遊歐亞。謂天下賢相三人。其一德國畢士馬克。其一英國格蘭斯登。其一則中國李鴻章也。馬關和定。未幾奉命使俄。遂歷聘德法英美。所至君相。無不尊崇加禮。國人以一見爲榮。其至德國。德人并其君。同爲塑像。德君爲立像。李鴻章爲坐像。其敬愛如此。緣李鴻章管事既久。外國婦孺。無不知其姓名。以此國威新挫。而邦交益固。凡此皆李鴻章外交之彰較者也。歷聘歸朝。遂入譯署。合署章京。喜得師法。已又命勘黃河。命爲商務大臣。命督兩廣。蓋朝廷知李鴻章年近八旬。而神明強固。大疑大計。一於李鴻章決之。及去年之變。有詔召入京師。

行至上海。而道阻不能前進。北禍益急。聯軍大集。兩宮倉卒蒙塵。天下望李鴻章如大旱望雨。朝廷亦有旋乾轉坤之諭。逮李鴻章既入敵軍。通國皆隱然有恃。由是千磨百折。卒定和議。遠方聞者。或未盡滿意。而李鴻章實已心肝崩碎。遂至一疾不起。各國公使及水陸兵官來弔唁者。四十餘人。同聲致詞。皆云數月前議約。該大臣所爲。皆他人不能爲之事。足見外國具有公論。伏查李鴻章爲曾國藩入室弟子。其謀國忠誠。決策英斷。不搖浮議。不顧毀譽。兩人亦略相倫等。其任事勇銳。赴機捷速。不爲小廉曲讓。則李鴻章有獨至孤詣。至其外交之學。曾國藩有未逮也。自少至老。歷常變夷險。未嘗一日言退。雖間嬰疾病。不輕乞假。嘗言曾國藩晚年求退。爲無益之請。受國大任。死而後已。朝廷

豈肯放歸。馬關遇刺。定和而還。論者未已。所親勸令乞歸。答言。李鴻章於國。實有不能翫置之誼。今事敗求退。欲安歸咎。人以此知李鴻章之忠勤愛國。非淺識所能窺測。其英風壯采。邁往不屑。同時輩流。無足當意。而宅心仁恕。遇故舊曲有恩紀。平吳所得賊糧。平捻所餘軍米。悉以散之居民。其事君小心得一語之褒。矜寵見於言色。間奉嚴旨。絕無怨尤。其天性也。而朝廷禮遇。亦過絕倫輩。今李鴻章荷封贈優卹。子孫并沐殊恩。九京已無遺憾。獨臣等追隨既久。遽失依歸。有不能已於懷者。用敢臚陳東南戰蹟。直隸內治外交梗槩。乞付史館。以備採擇。所有故督臣忠勤功績。恭摺具陳。伏乞皇太后。皇下聖鑑訓示。謹奏。

李文忠公傳

山東建專祠事

故大學士李鴻

是親王僧格林

辦遣潘鼎新一


擾秦豫曾國藩

守河運制賊西

齊而李鴻章始

於安邱濰縣之

捻之績推服李



河事其時李鴻章老矣猶能督率工員考察利病參酌西法折衷定議其所條論至今遵守凡此皆李鴻章績在山東耳目衆著向來將兵大臣不明外交明外交者不明河事李鴻章究通西法於外交尤有專長其用兵創習西國槍礮其治河亦多採西說用能隨用收效所至有功云云

江蘇建專祠事略

江蘇爲李鴻章發跡立功之地流傳故事最多當時故大學士曾國藩既克安慶遂分三道東征曾國荃圍攻金陵左宗棠進兵浙江李鴻章規復蘇州而蘇州之功獨先成自誓師上海至克復省城凡廿閱月李鴻章用兵戰勝攻取所向無前迭克名城水陸分道進逼蘇州使據賊聞風膽落輸誠送款不折一兵

不費一鏃。而堅城遂拔。爲平定金陵之先聲。厥功最偉。蘇人至今謳歌不衰。至其駕馭洋將。創習洋軍火。則他帥所無。李鴻章別具能事。先是滬兵孱懦。會防西兵。任意凌侮。李鴻章所募淮軍。僅六千五百人。一至上海。耳目改觀。然西將猶迭催剿。李鴻章絕不爲動。會蘇杭賊衆大舉圍攻。麇集松滬之交。西兵坐觀成敗。李鴻章激勵將士。出死力禦敵。虹橋之戰。北新厓之戰。皆以數千新集之師。破賊數萬。西人自是不敢輕官兵。滬上舊有常勝一軍。用西人爲將。弁及調援金陵。洋將白齊文滋事譁變。立即撤換將領。改定章程。收回兵柄。其後戈登接統此軍。輒令程學啓挾與同行。常州旣克。立與戈登定議凱撤。巴夏禮等雖欲從旁阻撓。而不能得。後十餘年。戈登復至中國。會有法越之役。戈登猶欲襄

助治軍。則舊時恩誼。有以結之之效也。中國用洋槍礮。自淮軍始。李鴻章初至上海。見各國兵強。由於器利。即令諸將練習。而程學啓用之尤精。李鴻章屢勸曾國荃。左宗棠。改用西械。旋開三局製造。一令英人馬格里主辦。一令副將韓殿甲主辦。一令蘇松太道丁日昌主辦。最後購得大機器鐵廠。遂於上海設立江南機器總局。中國各省開辦製造。自此始也。其盡心民事。自蘇常未克。已疏請裁減蘇松太浮糧。克蘇城後。又奏請通減全省浮糧。豁免全省攤款。以清官累。撫吳三年。所至捐施織具。賑濟災民。所得賊糧。悉以散給貧戶。設局招墾常鎮荒田。籌發穀種農具。其惠政及民。又如此。伏查李鴻章師事曾國藩。又從事曾國藩幕府。曾國藩性情堅重。謀定不變。其疏劾李元度。李鴻章嘗以去就力

爭曾國藩前後幕僚多知名之士其能爭議是非者李鴻章一人而已及被薦撫蘇曾國藩議令駐軍鎮江爲金陵聲援李鴻章則徑從上海進兵不曲從師議蘇省肅清累詔催令會攻金陵李鴻章以曾國藩功在垂成不肯遽往分功曾國藩奏稱李鴻章無避嫌之意有讓功之心者此也其任事不分畛域蘇城克後即出境攻克嘉興會克湖州論者以比胡林翼之東征安慶云

浙江請建專祠事略

李鴻章勇於任事不分畛域用兵江蘇能以其餘威拔浙東西生民於水火始克金山衛即貽書左宗棠謂金山與平湖乍浦嘉善接壤異日水陸進攻擬就近酌委牧令宗棠然之是時諭旨亦言左宗棠駐師衢州難以兼顧金山對

岸即係餘姚。著李鴻章酌量進兵。通籌大局。旋經派常勝軍克復餘姚。及甯紹臺道史致謬。由滬航海赴任。李鴻章即令洋將華爾督常勝軍隨往。其時杭州據賊大股蟻集慈谿。窺伺甯郡。華爾督軍進攻。中槍傷亡。而慈谿竟以克復。其後史致謬會合中外各軍。攻克上虞。收復新嵗。及法國兵官勒伯勒東。遠爾第福。先後進攻紹興。奮勇陣亡。遂奏留英國水師總兵叻樂德克。卒用英法兵力。收復紹興。并攻拔諸暨。蕭山等城。皆賴李鴻章就近指揮。籌餉接濟。派隊協防之力。此分兵協剿之功。著於浙東者也。自蘇州未克。攻取松嘉交界之楓涇鎮。遂派編修劉秉璋。常鎮道潘鼎新。越境進剿嘉善城外十五里之西塘。圍攻蘇州時。嘉善援賊屢經擊退。及蘇州復後。常州猶未克也。李鴻章籌畫進取之方。

即令程學啓會同劉秉璋潘鼎新各軍由平望乍浦兜剿浙西之賊。旋經收復平湖乍浦海鹽及澈浦鎮。盡撤浙賊屏藩。及程學啓攻克平望嘉善。踞賊望風乞降。遂進兵攻嘉興。程學啓身受重傷。而嘉興亦竟攻克。甫克嘉興。又令李朝斌水師往剿瀕湖賊壘。進規湖州。令潘鼎新由平望進紮南潯震澤。以扼賊衝。令郭松林等由宜興進取長興。水陸并進。以與浙軍爲犄角。其時迭奉諭旨。會攻金陵。而李鴻章以湖州未克。權衡緩急。不遽往也。會浙軍蔣益澧屢函請潘鼎新速攻湖州東面之晟舍。以解浙軍之圍。而劉銘傳郭松林等分路進剿。卒與浙軍會克湖州。進拔泗州。並克安徽之廣德。而後浙省之門戶以完。此李鴻章分兵協剿之功。著在浙西者也。左宗棠兵力所不及。李鴻章通籌兼顧。

如此。曾國藩貽書稱李鴻章之功。所云不特全吳生靈出水火而登衽席。即東南大局。胥賴餘威以臻底定。儒生事業。近古未有。非溢美也。

福建專祠事略

李鴻章功在福建者。凡二事。前則助左宗棠剿賊漳州。後則助沈葆楨禦倭臺灣。至今爲閩人稱說。方粵賊李世賢汪海洋之竄閩也。陷據漳州府城。勢燄張甚。諭旨飭李鴻章抽撥礮隊援閩。旋准左宗棠咨函商推。遂遣福建陸路提督郭松林。遇缺題奏。提督楊鼎勳。率淮軍八千人。由滬航海。至廈門登岸。是時粵東亦來乞援。李鴻章以議定援閩。謝不應也。郭松林等軍既至廈門。即分道進逼漳南。迭獲大捷。蕩平城外賊壘。乘勝鼓勇登城。遂與浙軍會克漳州。未及

少休又率衆疾赴漳浦。破賊於崎嶇山嶺之間。饋運不繼。士卒以紅芋充飢。賊勢披靡。夜薄城下。鼓衆顯攻城西南。而潛軍攻其東北。遂克漳浦。而雲霄踞賊。聞風亦遁。左宗棠既報全閩肅清。聞山東捻逆披猖。謂郭松林楊鼎勳所部多勇敢之士。所習皆洋鎗礮隊。於是奏請調回蘇州。以備征剿。而稱其軍爲援閩得力之軍。此李鴻章遣軍助左宗棠平閩之功一也。其後日本尋衅臺灣。由琅璦攻據牡丹番社。朝旨授沈葆楨爲欽差總理臺防大臣。李鴻章謂沈葆楨無兵不威。因函告葆楨。以提督唐定奎所部銘軍駐防徐州之六千五百人東渡援臺。協濟新式洋槍礮藥彈水雷。攻守器具甚備。而迭函誠沈葆楨慎固邊防。勿遽開衅。勸其忍辱負重。堅持定見。沈葆楨屢欲與戰。李鴻章屢書諷止。

河戰李河楨旅。撫防卒

李

口其時賊已竄鄂李鴻章定議蹙賊於鄂皖邊界山深水複之區不令出擾豫境甬商鄂皖撫臣及各軍統將設法兜圍會賊由隨棗及東竄信陽劉銘傳周盛波夾擊獲勝仍逼賊入鄂未幾賊復出鄂東竄李鴻章親督諸將追剿直抵濟甯使賊喘息不停狂奔渡運自是豫無捻患猶恐該逆復圖西竄因與劉銘傳潘鼎新等定蹙賊東萊之計集數省兵力分守袤長千里之運堤以爲外圈進扼膠萊河濰河三百里之防以爲內圈豫境愈益安枕迨賊突濰防朝旨慮運隄難堵雖曾國藩首畫圈賊之策至是亦屢勸勿再守運李鴻章始終不撤運防賊亦抵死不能踰運一步中州腹地幸脫積年兵燹之苦皆李鴻章堅持防運之力所謂保衛之功視戰勝尤鉅者此也是後光緒三四年河南賑災